



刻校疏陳后岡集序



吾鄞廻環巨海倚負名山靈氣所鍾代
有作者若遞相傳刻美愛而傳則代不
數人惟后岡先生集刻之西蜀刻之三
吳傳播寓內讀其集者自謂手握墮和
腹飽琳球猗歟盛矣余髫時輒以家藏
寫本把玩不釋其詞微我奧人難諳解

者則鈎玄纂要手注上方以便覽者攷
鏡計偕北上携至京邱偶為同好者假
去余恐蹈四愚之誚遂不之索然心未
嘗忘也屬者濫竽南臺一日過訪大廷
尉陳公譚及其事公即出其家藏本示
余余持歸署中閱之視余本闕疏稿一
首叙跋各一首而餘篇亦間多魚豕余
乃憶記其闕者手書補之而上方所註
則間書一二反覆獄究釐其點畫併張
司馬所作傳令臺掾重錄一過畀之剞
劂以與同好者共閱月而告竣焉夫先
生謝世時年僅踰子淵位僅躋方臬權
靈弗假迅羽中摧可為於邑然其集刻
而敝敝而復刻則先生可稱不朽矣彼

揚鴻漸之翼享黃髮之期而湮滅罔聞
者視先生奚啻天壤哉九原可作當以
余為知言也

萬曆辛卯歲夏四月望日同邑後學林
可成書于上游公署之仕優軒



陳后岡詩集序

嘉靖庚子余友陳子約之以憲職督學於
梁卽捐館淇上歸櫬越中時太史唐子應
德以上書矢指免官祠郎熊子叔抑以奉
職忤意承譴二子者不遠數千里瀆絮酒
以入甬望總帳而出涕撫藐孤於素室搜
遺草於名山而後相與別去余方倚廬未

果從邁嘗移之詩悲焉亡何唐子刪定其
述造若干卷乃就荆令某登梓而以序屬
余申之曰昔先士安假寵太冲子獨無意
哉余不能辭敝曰夫聖主耀德志士殉名
是以神龍驤首幽雲景蒸寒蟬發聲涼飈
始冽當其生利見之辰適司鳴之會履好
文之朝遇同時之主凡含經之生綴辭之

士孰非摛菁挾藻以緯國華者哉歲在己
丑

天子覃側席之慕相君有開閣之風乃縹
組講藝影纓味道契協墳笈言郁蘭蒞彬
彬乎號爲得人而海內嚮慕矣枚朔丘馬
迭晉於漢庭陳劉應徐同升於魏室坐論
豈足多乎是時也待讌登歌則家追大雅

從游第頌則戶起新聲一字之工聞奇而
傾耳片言之巧覩縟而躍心紙價騰踴於
都門簫譜浸淫於禁掖若陳子者方齡於
終童比才於賈生雕章綺合藻思羅開顧
英時一時尤藝苑之選也然而好惡易更
盛衰頻復不逮之隙搆見怒之釁成斯長
沙之役往而金馬不容於陸沉矣陳子於

是稍戢鋒穎卒就繩檢猶且寄興於山川
發憤於歲月周爰於馳驅宣情於羈旅迺
造益工豈曰在外無奇哉流盼之間不十
餘年而向之契協墳笈者邈爲參商言郁
蘭茝者析爲萍梗子竟長逝化爲異物良
晤愴跡於南皮零落傷心於北海蓋爲此
矣今考誦其遺編早鑄四傑晚鎔二張道

軫於平原晞駕於康樂麗於游燕充於入
洛雋永於浮湘備於吳越甌閩間展可傳
以不朽異乎湮沒無稱者矣柰何甚思焚
於吏牒迅翮摧於嶮路雄才頓於促景榮
名乖於中壽使鳳池未禔曜靈假年究其
所底寧止是乎此運命之奧蕭劉所以互
論而董史所以同悲也唐子諒余之言哉
循撰

因僭爲序并系詩於末簡吳郡皇甫沆于

陳約之傳

同郡張時徹惟靜甫誤

陳約之名束其父智人也倜儻有大志憤弗業儒生家見
學士輩輒逡巡長揖私念曰有兒不當如是乎約之之爲
兒也顧獨穎慧絕倫日誦數千言試之對輒應聲就數又
奇中其父大異之遂決貲破產延高師教之今時弱冠舉
於鄉流聲薦紳間乃使客致慇懃束願得師事爲弟子者
會余業游吳中期旦日就道遂謝不往而約之則從他師
游率老學究語猥瑣不竟根旨約之顧心易之其師與諸

學徒講說經義約之則臥弗聽也乃汎濫百家言上下屈
宋班馬之間向褒以下弗論焉海上詩書之士於是爭言
陳生矣會稽中峰董公幼故奇童也有女待年於家曰吾
女慧甚非得奇男子者弗字徧視里中兒卒無當意者一
日吾甬川尚書過中峰相與遨於禹穴之間從容言尚壻
事甬川曰夫富貴所不可知卽欲芝草琅玕者陳生殆其
人乎乃艤舟甬江之上呼陳生視之而陳生乃垂髻被儒
者服繩趨而前面如玉澤睛如漆黑望之非閭閻嬰兒子
也董公乃雜難墳典丘索及諸莊周呂覽言則滾滾對不
塞試之詞賦食頃輒辦語盡玄秘也董公乃目左右取日
書以來親爲期日而遣之已乃挈至京邨董公日爲程業
課肄之約之唯唯奉命唯謹然心弗好也偷取古人書意
所契會者鈎纂精微時時論撰發舒淵懿於時陳生名聞
國都矣已乃舉進士策大庭中

天子親覽其文擢居高第授翰林庶吉士讀中秘書益厭
薄時藝弗治遊神埃壙之外以極宇宙所止每篇什一出
諸學士競締觀之曰斯捕神彈鬼之文乎而約之顧施施
自得不自貶改乃調祠部主事已復改編修乃日與屠文

升唐應德田叔禾王道思三數子者更相過從考鏡鴻濛
陳說藝文侈論宏議至達旦不休倦則便相枕臥率以爲
常而諸高貴人竊慕其風時枉駕過之輒閉門謝不納又
私有所彈刺籍籍聞口語於是始廩廩危矣時當道被
皇帝隆遇朝士咸奔走之約之獨不面每歲時上壽不得
已望門投刺輒馳馬過之當道銜之入骨積不能容乃注
湖廣僉事分司辰沅辰沅五溪故區而苗蠻之所都也深
山叢箐犬牙阻兵時時烏合攻剽內地緩急不可控捕而
約之乃罷裁闕狹宣布威信取綱程飭厲之苗夷稍稍稽

首聽命自餘訟獄賦斂皆治巡撫東橋顧公曰嗟陳生老
吏殆不如矣道所理悉聽操切勿復關白而約之乃終不
樂居上書乞骸骨其略曰臣僻在海隅無所比算不悟徼
時之幸遭逢希闊屢晉清班從侍華轂首尾蓋七年而外
遷今官爾來又二年矣宣布化理庶效區區以報洪造豈
意數奇命薄卒與病會怔忡症作竟夕無眠火熾血虛潮
熱不罷如此不止將犯周任陳力之戒一旦膏塗異土誠
可於邑伏望解臣官職生還田里以保餘年者聞罷不報
時吏部闕尚書而兀厓霍公與甬川公爲左右侍郎計曰

陳生偃蹇甚矣必徙之會山東缺提學輒注擬以上而內閣欲用其所私客力持之約之竟不果用已乃稍徙而閩也余時爲寮握手郊勞見其色犁然黑也就而與語氣鬱鬱不能舒曰約之得無過憂乎顧而不答固問之徐曰束之有懷先生識之矣約之每出治吏檢括案牘窮日夕不休與學士先生接周旋款語無不人人滿意比歸休舍輒仰屋慨嘆憤恚跼踖家人莫喻其故第左右羅古圖史置酒一壺且誦且飲飲輒數杯下已而忽大嘔血須臾可數升病瘠矣余乃撫其背曰夫疾者非他恚忿積於中而強以酒澆落之中氣轉結痰火上攻鍼石不能達矣弗戒且有患約之頷然之曰愛我愛我於是絕不復飲病亦漸愈居數月而別余乃訪約之於家則飲猶昔也曰夙疴幸舒不爾輒復鬱鬱余曰雖然竟忘疾苦時耶旣而約之徙河南提學余亦待罪魯藩遣使往訊幸報無恙一日蒼頭忽至以書逆醫曰束身被狗馬過不忖量勉強赴職事會科試且迫坐肩輿一晝夜馳三百里諸郡之士三月而畢乃今病不能支旦暮且歿矣柰何惟執事憐之而醫故王府籍也素偃蹇無狀乃卑辭厚禮俾從事挾之行比至而

約之疾已革矣猶張目視曰東沙念我東沙念我遂瞑而卒會道思察於藩枕之肱而哭之乃與吾鄉周大卿經紀其後送其妻孥以歸所著詩文若干卷唐應德刻傳其詩論曰歿生有命富貴在天豈不信哉夫此一陳子耳冢宰懟之而不能害比兩侍郎之知之也而不克舉何言其它乎夫以陳子之博洽高融洞古聖哲之微言明習吏事其所厝注井井矣此與樸遯膚凡無所比數者奚啻天壤已也彼其脂韋比周改錯幸合胥以揚鴻漸之翼而享黃髮之期而陳子徒以執萬履繩所在齟齬至忿恚而歿年纔三十三耳而妻子又無憑席之業則豈非定命之不移者耶抑或摻刺刻深抗引太峻天忌其然乎

陳后岡詩集目錄

廐馬賦

有序

館中作

誚賣玉器作

銅雀妓

和王員外首夏遊南內三韻

和唐太史望太行山

漳水別唐一太史之洛

入鹿樓山訪崔李二翁欣然命酌便至大醉席上次
韻一首

高陽行

返趙懷唐一學何體

甲午稿

詠神樂觀梅花

春郊晚行

春日遊麥氏園池

行路難

聖體初安春日視朝志喜同唐太史作

從軍行送呂武部募兵

上巳

送陳隱君歸閩中

贈錢翁

同館寮詠省中紅藥

送王學士之金陵

夕霽對月有懷唐一編脩學何水部一首

端午侍宴闕下

贈內弟董生新婚

東唐太史臥病禪房

都下別施秀才應試金陵

望湖亭遲唐一

二三同志夜酌碧雲寺分韻

送王脩撰朝陵

王先爲祠部郎中

秋日分祀孔子廟

挽張舍人二首

舍人今相國元子

送莫秀才中舉歸省

送張子言

仲秋出郊訪鄭光祿養疴別業

贈李御文奏事還南都

賦得上林鴈贈吏部王郎中謫毘陵

送莊丈人訪壻唐太史南還

送王生入蜀

禁中對雪

送唐子朝長陵

至日南郊大祀

侍宴慶成

送焦提學之貴州

立春日寫懷簡唐一編脩

春夜羣公見過

送李郎中謫守吳興兼簡毘陵王別駕予與李邦良
王道思同飲獲罪二君相繼譴謫而三塊然獨居

京師情見乎詞

乙未暮春祇命發潞河

臨淄舟次東唐一太史

過聊城

汶上

泊淮畬屠應德

乙未稿

浙江夜別家大兄

贈汪御史山居

仲冬行岳州道中一首

入武陵公衙卽事

南州炎德草樹冬榮庭中孤柏不表凌寒之節憐而
賦之

丙申稿

春江夜泛一首

入辰州界

送潘將軍嶺南督戎

秋日武昌逢江良能談卦數

途中卽事

與田提學行清化道中

楊太僕携酒過西莊訪劉使君

公安得唐應德村居詩酬贈四首

丁酉稿

春日渡漢陽

楚門春興

齊亭新理牖壁暇日晝眠翛然見林山因而成咏

移庭中小結柏

伏日楠溪上疏乞休二首

過武溪楊隱君草堂

送李時行太守入覲

李舊御史

至日岳州宴水部張使君廳

臘日感述

陳后周詩集 目錄 五
辰州送王兵憲入貴 時王膺征南簡命

歲暮偶然作

咸寧山中雪霽晚行

和顧中丞靖州閱武十二韻

送李子

過徐李二子再遊東林寺

至宜興訪應德不遇同唐二秀才飲任光祿宅

入關

與田道備然作

下建溪

石灘

滄峽舟中遇江于順提學考績北上席上贈別因成

長句

夜泊羊原

送張秀才省兄還句章

還次羊原先寄張大叅政

病中張大見過二首

晚望有懷

官閣初成張叅政携饌見過

除夕

除夕次張叅政韻二首

守歲席上酬張叅政用韻答意

明堂詔使入閩題贈十韻

同張叅政早春山行次韻

還浙夜泊江口

過吳維新隱居

同唐應德過董任甫

病後還朝毘陵唐編脩兄弟携舟相送醉中話舊因

懷任二考功次韻作

時唐方應命起廢

邯鄲才人嫁爲廝養卒婦

泗鼎行贈戴水部

道中恭遇 皇太后梓宮祔葬顯陵挽詞三首

都下秋雨夜飲王子長宅

同屠六宮諭胡用甫侍講李伯華文選呂大車駕熊

叔仁武選飲任二司直宅醉後話舊席上輒成口

號相贈

出都酬謝任熊二兄兼簡李伯華文選

陳后岡詩集目錄終

陳后岡詩集

四明陳束約之著

武進唐順之應德選次

後學林可成志父校疏

廐馬賦有序 館中作

夫八駿著驂騮之稱九軼標絕塵之號豈非
名因才立奇繇用顯若廐中廐之馬以良見
收然而吉行不過十里仗立罔置一鳴而絡
玉羈金席牀嚼脯至與駑駘並論豈其志乎

感漆園真性之云聊為賦之

偉軼異之絕足兮爛騰祥而符聖孕房駟之靈

精兮復呈圖而表應合乾德兮翹傑配坤行兮

凌競光儵爚而龍見文蔚然而豹炳剡雙耳其

削筩頰兩瞳之夾鏡爾其挺珍濛汜効異余吾

神超飛菟態絕駒駉星流矢泄雲籟電趨朝凌

碣石夕歷姑餘曳吳門之疋練溢齊侯之畫圖

秦牙莫測其妙理馬援尚失於範摹管青不能

得之臍胸女厲無所眺於膺臚體容與而翹陸

抱明姘以鬯舒惟盛美之轟備雖夫人其舍諸

爾迺遴駿東臯獻奇北塞犴旅關庭隸分房膺

芳飶肝嚮靈牀爽塏幸路兒之解仇就小童而

去害托圉牧于六閑並驕駉于一概譽玻珂之

鏘錚纒弁纓之粹縹麥渥恩之荐加非真性之

迫在抑曠志而未馴或遡風而沛艾乍趨迅而

中蹇怵鞭箠之泊逮踈足服馬垂梢諛調容形

外澤主神內消棍斷斷以駟馮閭猓猓而遠姚

赧秣斂於甘露愀望斷于流飈若夫挈壺虬盡

賈冠絕也翹傑特立貌

凌競高逐貌儵儵

同爚照耀也

削筩言其耳之銳

夾鏡言其眸之明

菟兔同嚴延年傳

韓盧取菟箠躡同

顏子望吳門馬如

疋練

膺音憤肉美膺音

胸口邊翹陸行貌

姘音誇好也轟音

雜羣鳥

房舍也膺芻藁所

藏

飶馬食之粟肝嚮

布也盛也

嚮聲也文選鳴玉

鸞之嬰響

粹音醉縹音蔡縹

縹綺素聲

迨古攸字沛艾馬

搖頭也出于虛賦

馬音執諛順也相

如傳義征不諛

棍混同馮古壯字

遠姚飛揚也

發章移切多也就

魚鑰鎖為魚形以象不寐所日將出璇玉戾至也

須鬚向魚須以魚鬚須為旂也

念魚驚貌鬚被髮走貌鬚獸作鬚貌

跨足履峻跬男足破石似玉

肥砌也時祭天之所示音祈地神也

軾車衡載轡也

方斬馬銜蚌啖獸

旺舌貌

鑊馬耳飾方鉞防

馬相突者

長樂雞啗雉臯色辨魚鑰洞開夙羈寶絡昕時

璇塔于時黼座天臨師寮羣戾鸞旂簇萬龍墀

夾二駮鰲警而怔忡睇魚須而矇眊聞鼓鐘而

淖躍啾驥騰以踣地雄倪曾未作于鬚鬚駑牧

已見嗔其跨跬欬心煩而赭流羌又怒霑乎礮

肥若迺玄時肇禋黃示報祐辟靡班敷明堂配

祖雲整法輿星陳皇輅七騶夾軾以崇衛六虬

方斬而翼扈駢蚌啖以雷起塊虛驕而焮翥繼

金鑊而不前噦玉鑿其有度左肅紛其瞽明方

鉞危以掣步聊侵淫以驪駟全踟躕而才于處

駟共馳惆懍疇與夷世脩文軍容偃武曾是吉

行累期間舉然而役不逾時騁無遐路遙鑣未

市于郊吟前轡已迴于隍濟擗浮雲使不揚蹄

絕塵其安驚睭脩馘以長嘜結幽忙而延佇隕

權奇于攝僕凋滅沒乎駢駐昔鄭嗣知用而佑

貴漢文量才而却受武帝罷師以釣奇昭王縣

金而設購彼已達策馭之宜用舍中才賢之穀

飾翁已矣伯氏難邁慮賈勇以招尤甘衷心而

佳佳

十音赤屬小步也

屬音休屬風幽切

龍屬音走貌

遊飛疾屬音標馬

銜也

擗音掌浮雲及下

絕塵皆謂良馬

馘遠同脩馘長路也心惻也

權奇滅沒亦謂良馬攝僕不舒展貌罷音疲拜李廣利為貳師將軍事

賈音古左傳賈吾餘勇即專

附本同詩集

畜許教及紫音蓋聚也

燈音澄平也駟神馬

印仰同詩瞻印昊天

瓊麗音伶秋麗屬

賈音古

順畜雖駕鼓以猶任况聞香而不與神紫紫而
頡羣意燈燈其戀豆懷殊姿而自疑曷神駟之
可剖倘垂瞳于路軫尚印鳴于華殿

誚賣玉器作

神龍逝不返永永淪赤山九陰黯莫測揚輝久
矣難握瑜馳七貴七貴誰不然魏父牀夜光咄
咄起憂患楚王非賤貨和氏坐摧殘時議重瓊
甌馬用誇與璠懷壁已賈罪况復滋琢刊孚采
迺惜命明溫以煩寃傳語後世人寶器無為宣

北古樂府題

銅雀臺

曹操有七十二疑塚屬於禁切煩輔也

銅雀妓

疑陵那可望催淚復催妍飛花銷臉靨拜月笑
眉鈿銜令歿猶愛緘情生自憐無因憑李少為
幻入君前

銅羽遡秋風金鏤帳夜空舞鸞君詎見調鳳妾
猶工淚竹愁難滅采菱歌易窮翻憐秦帝寵驪
下許相同

和王員外首夏遊南內三韻

皇家秘苑自逶迤標境煙霄迥蔽虧縹翠千重

東古同詩集

縈雜樹輕絲百丈戀交枝當軒支石天濶取遶
逕瓊花月宇移不羨汾陽風景麗為觀今日長

卿詞

城南窈窕似瀛仙列館芳菲入盛年罩罩氤氳
籠淑氣窓櫺宛轉閉祥煙花間紺殿開黃道竹
裡彤亭瞰碧川最是風光恣幽歷還疑身世在
釣天

首夏清和景物熙離宮處處望旌旗瑤池擁漚
祥魚躍壁宇騫薨瑞鳳飛草為承輿鋪作埒花

薨音紅屋棟埒音
列封道也

疑奉幄繡成圍火德正逢離照地年年長此競
光輝

和唐太史望太行山

迢遞太行山連天跨海間蚪峰全蔽日鳥道半
臨關未盡五丁技猶傳八駿還艱哉不可上望
望損朱顏

漳水別唐一太史之洛

漳河流不極離思眇難裁可堪今夜月復照別
時杯路向銅駝去人傳金馬來南征能作賦遲

李西常太白有鳥
道杜關塞極天惟
鳥道皆言蜀路險
峻或言其路窄狹
止容一鳥飛過也

銅索駝秦始皇鑄
於長安掖門外魏
明帝徙至洛陽宮
門前漢武時相馬

者作銅馬法獻之
立馬於魯班門外
改魯班門為金馬
門

爾二班才

入鹿樓山訪崔李二翁欣然命酌便至大

醉席上次韻一首

搗正韻琦熱切去
也楊升菴詩話引
楚詞車既駕兮
而歸及呂氏春秋
西伯劫去搗至等
語謂搗之為言易
也何也非是發語
之詞○投車即投
轄後漢陳遵事

搗來深壁問幽居簪服看疑避世初野老忘機
來爭席舍人高興解投車羣峰入戶開青障大
壑浮階引碧渠直是山公能醉賞為教小阮更
狂疎

高陽行

高陽年少事橫行重俠由來不重生奪得雕刀

搖雪色騎將飛馬感風聲

北風吹隴篔黃沙縱博千場日未斜白劍殺人

丹劍舞笑歌踏入酒姬家

返趙懷唐一學何體

李長庚少年行笑
入胡姬酒肆中

蕭疎秋欲晚辛苦客情違龍分雙劍遠鴈阻一

行歸月色明疑見風期邈難依霜交白野合露

罷青林稀羈候朝朝別寒雲處處飛茲時軫遠

念憶爾倦游非

甲午稿

倦游言疲厭游學
博物多能也見司
馬相如傳

詠神樂見梅花

素質舒玄圃清芬裊碧紗自將幽獸意不逐豔
陽華避暖遲開葉凌寒早著花瓣輕飄易墮枝
曲影從斜雜雪明春砌隨風入莫笳何須飛寶
曆長此奉仙家

春郊晚行

漢長安少年相與探丸殺吏得赤丸者斫武吏黑者斫文吏白者主治喪

遲日出郊圻悠然塵事稀野陰堪結蓋溝水欲
流衣俠客探丸返佳人抱瑟歸喧喧四鄰夕徙
倚向斜暉

春日遊麥氏園池

別業衡連堞春流曲浸臺煩襟塵外滌芳籍水
中開笛奏花能舞舟移草為迴年光將野趣心
賞共徘徊

行路難

田開之曰魯有張毅者高門縣薄無不走也行年四十而有內熱之病以久見南華經

君不見張毅一生善含垢高門縣薄無不走朝
攀豪貴轢妻孥暮乞聲名謝朋友自矜蹠躩致
青雲笑却蹉跎空白首王侯大賈競來趨造化
小兒不相守一朝臥病無復治九關鬼伯紛來

躡音各踐也

扣榮華寂寞填稿壤歲時牧豎能躡踪行路難
辛勤歿後一抔土何似生前散却千金錢有錢
買酒但行樂莫遣齷齪凋華年

聖體初安春日視朝志喜同唐太史作

龍顏天保乘春豫鳳闕晴臨拂曙開鍾鼓忽傳
朝市樂衣冠競捧聖明來花明玉殿祥風應柳
拂金鋪淑景催共識宸和合天道欣欣瞻戀獨
遲迴

從軍行送呂武部募兵

漢家煙塵西北邊障亭纍纍通居延瀚海羽書
飛上郡陰山烽火照甘泉應星鳴鏑三千騎乘
月飛控十萬弦部曲共稱連右臂渠率遙傳是

率所類切即帥也
渠大也出吳王傳

左賢天子臨軒策五戎軍兵指日下三宮玉璽
分麾宣武略金壇授檄藉才雄男兒任俠原輕
敵更欣恩命借奇功投筆從戎辭陛北鳴鞭浴
鐵去遼東飛旌去去過亭徼列帳紛紛依白草

徼音皎邊徼也境
也以土石木為界
虎牙將軍名

部下齊徼六郡良軍前遍募三河少虎牙盡隸
伏波營魚麗橫開都護道玄朔遙翻破虜旗青

魚麗陣名

陳后周詩集

吐谷渾西羌名或云吐谷虜復姓又云三字姓

燕支匈奴山名亦其妻名西河舊事歌曰奪我燕支山使我婦女無顏色

笳並奏平胡調胡沙獵獵黑雲屯殺氣騰凌日
為昏平明劫取休屠壘夜半追奔吐谷渾錦鞬
凋霜迎氣折銅焦慘月帶愁聞馬革一生期立
命龍城百死為酬恩酬恩効死不辭難誓令氛
襪淨祈連貳師報國非邀賞去病辭家豈但還
辭家去去無窮極鄉心海外思顏色燕支山下
不歸來鳳凰樓上長相憶金屏掩憶夜霜寒愁
上流黃不忍看單于且入蒲萄觀君今何處勒
燕然

上巳

五都皆禊渭百戲競臨渠自憐妨太潔不事更
脩除

送陳隱君歸閩中

曾向三山達化機久於海上結荷衣暫過燕地
非吾土惆望閩天憶舊磯雲氣應從新令尹風
流遙羨丈人歸為報來馴百鷗道今年無事更
翻飛

贈錢翁

重奉居廬山治病
愈者令種杏杏成
換穀欲以賑飢與
穀少取杏多則虎
逐之○齊人少翁
年二百歲色比童
子出封禪書注

高歲應時祥居然得共長藥成雞已試杏熟虎
能防風馭迴龍陌霓裳接鷺行駐將童子色延
睹聖人光

同館寮詠省中紅藥

韶年清景屬朱明紅藥翩翩爛綺城城南畫閣
連雙闕參差數萼當階發縈煙裊霧色偏奇璇
除瑤戶更相宜露采明晞鳩鵲掌靈根暗濯鳳
凰池鳳池鴈侶來尋翫風氣花香時續斷惟綃
幕縠盛葳蕤花綬還從花下疑停采不言嬌日

歲莖音威隨瑞應
圖六瑞草也字書

例解為草木之狀
古樂府歡下歲莖
綸則銷名唐詩望
見歲莖翠華則
形容翠華之狀矣
文選注云翠華蓋
也

寵含愁如恨隔年期含愁停采何窮已旖旎從
風墮還起黃蜂一一覓絲低紫燕雙雙窺色戲
可憐輕豔軼塵寰朝朝濯拂為君顏秀色佳人
何足贈調靈仙客莫須攀願逐風光漸銷鑠會
畱芳馥五雲間

送王學士之金陵

共從金馬叅中翰獨領銀魚出內班紫禁鷓鴣
能集送白門冠蓋望追攀練色朝分楊子渡黛
光晴對謝公山羨君此日看花去為憶它年視

草還

夕霽對月有懷唐一編修學何水部一首

獨簷同族湊也聚也

終朝滯飛濛三徑絕來枉欄溜一以捐族雲漸
迴蕩長飈纈河出月華依波上微微辨林柯稍
稍晰塵鞅謹委猶餘泫萱開更映幌草螢掠明
流土蟲疑晝響命酒陶清虛解襟納新爽懷人
邈不御樂來何由賞沈思永終夕景同神宜往

端午侍宴闕下

天中佳節盛懽娛闕下平明式大酺宮采初傳

長命縷中官競插辟兵符饌分玉食調仙桂酒
酌瑤杯泛苑蒲為問寰中浴蘭者得如天上沐
恩無

贈內弟董生新婚

雙魚報遠天百兩聘名媛解有乘龍喜能無獲
雉言繼嗣時方重成人爾亦尊下帷應發憤不
是懶窺園

東唐太史臥病禪房

獨往屏塵營支離入化城筌忘詩總廢道勝體

賈大夫惡娶妻三
年不言笑御以如
鼻射雉獲之妻始
言笑事見左傳

化城寺之別名也
王摩詰遊感化寺

東唐詩集

詩歸依富化城

華嚴經一切法本來無生

能輕靜夜參僧偈空塔習梵聲長知不寂寞有爾達無生

都下別施秀才應試金陵

忽漫相逢歎別離留君無計不勝悲身聞大道人皆笑志在高山世豈知且合投竿于俗好莫須彈鋏向明時高才未必長貧賤遲爾南飛振羽儀

望湖亭遲唐一

彌彈同止也息也又按節徐行也

彌策躋石磴捫蘿陟雲亭凌危坐超越臨深瞰

後漢張衡感時作四愁詩闕礙同

窈冥野色向虛盡湖態含暉明樹亂識人度峰峭知嵐輕日送景其遠心與氛俱清趣愜百慮豁神感四愁嬰願言同襟子如何曠不并忘筌理無閑矚象思空縈洋洋流水志嚶嚶鳴鳥情匪伊知賞逝誰為拳服膺

二三同志夜酌碧雲寺分韻

曠途疎俗寰靜域臨飛嶮形苞隱淪勝勢抗清虛表鷲嶺互盤旋龍泉吐涓渺雪竇迴暑清雲構翳空小分池物法鱗作埒抽金草覺花明冬

鮮于輔曰酒客謂
酒清者為聖濁者
為賢杜少陵歌曰
銜杯樂聖稱避賢

春香蘿掛昏曉微尚在幽寂乘休恣探討筏海
滯塵緣游山訪真了指景晤已深延賞悰非小
適感伯倫情兼希魯陽妙流觴酌駛湍揮手招
頽顛任達本所經燕樂苦不早直耽清聖理勿
為浴賢道

送王脩撰朝陵

王先為祠部郎中

橋山奕奕啓龍藏詔拜衣冠出鷺行玉館穠花
供麗藻金天淒露助悲傷千祗候蹕森俱衛百
辟承禋裸共將見說五雲時縹緲也應來格舊

祠郎

秋日分祀孔子廟

屬聖重儒宗當秋秩祀隆文明涓上日祈翼攝
元工松柏開新廟笙琴似舊宮居非一畝儉奠
卽兩楹中玉簋馨明德金聲辨素功從公百辟
戾陟配四科同有侑神如在無言教已通升堂
獨何幸俎豆得相從

挽張舍人二首

舍人今相國元子

材成須見伐惜爾及芳時玉樹先秋隕金蘭與

南華經朝菌不知晦朔蟪蛄不知春秋此小年也

南華經藏舟於壑詳見大宗師

世辭馬鬣迎新蓋鳳池掩舊綦亦知大塊息猶締小年悲

豈有斬生悔而為出世遊居然成寢室無復更藏舟珠履虛三逕金鐙黯一丘其嗟陶越騎詎但若公愁

送莫秀才中舉歸省

日下藉聲名雲間別陸生言將題柱意還慰倚門情材貢南州美光分上國榮定知吳下士刮目會相迎

送張子言

送君已蕭瑟况復值秋時鄰比存千里勞歌起四思口有張生舌囊無季子貲空聞說詩好到處解人頤

仲秋出郊訪鄺光祿養疴別業

暮天寥泚秋氣深客子悲時懷短吟已歎緇衣坐自染何意金門還陸沈以茲浪跡出郊野撼

選詩誰能久京洛緇塵染素衣撼撼落葉也文選撼撼兮葉零

撼疎桐馬頭下結蘭為訪一心人抱琴誰是知音者主人開筵前致詞索居臥病且經時相將

南華經支離叔與滑介叔觀於黃帝之所休俄而柳生其左肘

觀化忽相笑問道青青肘上枝

贈李御史奏事還南都

南臺羣彥似君難奉勅鳴驄謁上蘭
畫著錦衣誰不羨朝簪白筆衆應看
逢人勝有鷹鸇志報國憑將獬豸冠
此日秋高堪搏擊臨風惟有贈雙翰

翰音寒羽也凡稱書翰者謂以羽翰為筆以書也

賦得上林鴈贈吏部王郎中謫毘陵

八月涼風動雙闕嗷嗷旅鴈雲中發
遐飛遠響激清音刷羽振衣度上林天
邊結字行難亂風裡傳書力不任
詎意上林重毛色抱奇區區不

察識凌寒不借一枝棲能鳴轉被單
絲弋逸志由來恥稻梁歸飛耿耿背金
塘水咽驚聲疑箭落月明避影怯弓傷
遙遙關路長辛苦蕭條爲向南中土地
闊山空不畏人沙明水暖聊鳴舞少年
才客有王君把袂愁爲失意分南去祇
應聞鴈叫臨風好是泣離羣

送莊丈人訪壻唐太史南還

夫子不累俗身閒得去來聚糧三月適
銜氣一

旬迴別館甥長設寒衣客半裁出門自有樂行
路轉悠哉

送王生入蜀

王生抱一經遊宦未成名炊桂時何詘彈刀人
累輕牛衣衝雪臥鳥路接雲行今日堅肥者誰
能愈仲卿

王章家貧時冬無
破布牛衣下涕泣

禁中對雪

禁裡霏靈朔氣饒縈風飄度薊門遙初翻金馬
疑飛絮漸集銅龍似薄綃百子銀題全合色萬
年華發半封條懸聞睿詔賡黃竹佇待東曹染
赤毫

穆天子遊黃臺之
丘纘於莘澤因寒
雪作黃竹三章

送唐子朝長陵

周王東定日虞后北巡年虎旅陰山轉龍舟夜
壑遷珠丘開白壤琳殿闕玄泉示儉裁流水崇
威迴跨邊雲中分地脈斗極應星躔弓墮天難
陟冠遊月尚還光靈六聖扈警蹕八神傳南至
恭明祀東曹簡上賢瞻依徒欲贈悽惻未能宣
至日南郊大祀

漢高帝崩以其衣
冠藏於宗廟每月
迎出遊之

時音止祀天之所

玄時應初陽嚴禮大業昌回天萬乘動掃地百
祇相隲是神明積供非黍稷香蒼龍開帳殿青
鳥集旂常瑞葆金支秀靈筵玉陛張無聲六變
叶有邸四圭將灑雪偏承宇流星曲映房神來
風馬下燦起碩麟翔赫矣疑嘉命蕭然拜景光
雍休仁聖在致福詎能量

侍宴慶成

殷薦始承天分烹在養賢受釐宣室後式燕柏
梁前八簋初承饋九賓俱授筵酒以天星奉

難於禁中用之

稱帝鼎傳誇胡眩技設逞詭倂僮便獸舞全依
石鹿鳴本被絃晞陽羣似露繞日澹非煙聖澤
寰中滿王言樂裡宜銜權更承命不醉不言還

送焦提學之貴州

跋悉合切足擷取
也屈渠勿切強渠
兩切

長安車馬紛轟闐分達逐勢稱豪賢闕下上書
苦煩熱侯門跋履爭腥羶西川焦君何屈強高
情獨在雲霄上銜杯那復顧尚書發言不肯容
丞相直今天子重興文羨君藻思如雲屯大腹
便便作經笥小言落落空人羣南去南中煙霧

按一統志五溪在貴州程番府之東曰徭曰犵曰鬼羅曰羅羅則所轄之夷種也

多五溪徭犵充山阿禹王文教故不迄至今學士半諸羅君乘使者雙龍馬未到聲名已先寫穎拔初分佐理憂才高肯是優游者我聞大賢之門進夷狄中原禮失求諸野聲教應聞自遠人策名可在文翁下

立春日寫懷簡唐一編脩

閏歲青陽逼舊年寒城寥絕訝春還土牛候氣偏能早金馬沈時可是閒我貴漸欣知識少宦通長媿是非間聞君戰勝能辭祿便欲因聲寄

三篇
小山
時唐詩病且歸

春夜羣公見過

閒居寡物情尊酒契平生客至畱羊仲家貧似馬卿石盃浮春色蘭缸引夜明朋從已可樂况復醉能傾

送李郎中謫守吳興兼簡毘陵王別駕予

與李邦良王道思同飲獲罪二君相繼譴謫而予塊然獸居京師情見乎詞

投轄本適意何言吏道侵謫承明主惠別感故

陳遵燕客必取共
車輪投井中

按一統志五溪在貴州程番府之東曰猺曰狠曰鬼羅曰羅羅則所轄之夷種也

多五溪猺狠充山阿禹王文教故不迄至今學士半諸羅君乘使者雙龍馬未到聲名已先寫穎拔初分佐理憂才高肯是優游者我聞大賢之門進夷狄中原禮失求諸野聲教應聞自遠人策名可在文翁下

立春日寫懷簡唐一編脩

閏歲青陽逼舊年寒城寥絕訝春還土牛候氣偏能早金馬沈時可是閒我貴漸欣知識少宦通長媿是非間聞君戰勝能辭祿便欲因聲寄

三篇 小山作招隱

小山 時唐詩病且歸

春夜羣公見過

閒居寡物情尊酒契平生客至畱羊仲家貧似馬卿石盃浮春色蘭缸引夜明朋從已可樂况復醉能傾

送李郎中謫守吳興兼簡毘陵王別駕予

與李邦良王道思同飲獲罪二君相繼譴謫而予塊然默居京師情見乎詞

投轄本適意何言吏道侵謫承明主惠別感故

陳遵燕客必取車輪投井中

交心垂耳君如驥同翰我異禽毘陵如問訊道
有式微吟

乙未暮春祇命發潞河

通籍金門百不宜忽承嘉惠向天涯祇憐鐘鼓
非犧性却喜山梁恰雉時受簡已無青瑣分對
珪猶負白雲期勞勞行役春江上日暮煙波何
所之

臨淄舟次柬唐一太史

客中相見倍情親日日追懽意未申近水割鱗
時供酒遠山啼鳥盡關人疎慵且喜隨中散鄙
薄那堪作外臣愁計別程能幾日未須岐路已
沾巾

過聊城

茲地幾興沒猶傳昔受圍城危田子用將殺魯
生歸一矢能成信千金本易揮霸圖已消歇曾
是戀音徽

汶上

古汶棲靈地孤城水上依昔賢懷此隱今我去

何歸遺風邑里改落日稻秔肥羈眺傷今往空
嗟人代非

泊淮會唐應德

十年生事半同君萬里傷心逐楚雲遠浦維舟
潮欲上平林對酒夜初分逢人牛馬時堪應到
處鳧鷖漸作羣其是機情忘已盡欲將通塞任
斯文

楚集

乙未稿

浙江夜別家大元

悵飲適不醉強懼翻慘神家貧仍戀祿生半屢
辭親後夜潮中棹空江月下人離心正欲絕猿
嘯更堪聞

贈汪御史山居

小山卜築背孤城大隱青春早謝名門長綠蘿
時掛塵溪分流水幾投纓霜前鳥去收遺菓雨
後鷓肥拾野羹寂歷山亭無一事時從羽客話
長生

會谷同

小山見前大隱詳
後入關

鷓謂蹲鴟芋也莖
可作羹見本草又
見貨殖傳蹲作跋

仲冬行岳州道中一首

落日更駟車蒼茫過古墟
塞煙依四壘衰艸沒
三閭朋舊疎刊籍鄉園病廢書
誰能不彈鋏還食武昌魚

入武陵公衙卽事

去國路凡幾投荒諒在茲
知希占我貴法衆令人悲
干祿謀多拙懷耕願屢移
仙源去遠近耿耿背心期

南州炎德草樹冬榮庭中孤柏不表凌寒

之節憐而賦之

玄月南州柏合姿意未申
炎榮隨衆麗寒節向誰陳
待鳳長畱實圖龍已作鱗
貞心祇自信持此度冬春

丙申稿

春江夜泛一首

昏中貪利涉繫榜自相鳴
水動春星亂山潛夜火明
幽虛機盡息澹泊道初成
豈有形容在猶然問姓名

禹貢島夷卉服注
卉草也葛越木綿
之屬莊子諄芒將
東之大壑云云苑
風曰夫子無意于
橫目之民乎願聞
聖治

入辰州界

旅食不辭遠累糧來入辰竹書分漢法卉服拜
蠻人謂可折腰吏其如橫目民祇宜千嶂色乍
可恰沈淪

送潘將軍嶺南督戎

戎服遠提兵翩翩擁節旌行持橫海略去按伏
波營水積龍川暗山連象郡明封侯亦此地知
爾相終成

秋日武昌逢江良能談卦數

閒居寡營慮野客遠相過駐馬俗情少談犧玄
意多秋雲滿山郭寒葉下湖波未卜沈冥理因
君問若何

途中卽事

結髮早爲客勞生未息肩長河風日損高室鬼
神憐異縣悲殊候馳暉感逝年迷方竟何待流
思繞山川

與田提學行清化道中

授服驚窮節離居感客情霜清沙鴈至露白草

蟲鳴到谷看天籟隨山採地精幽尋祇得性遊
宦不期名

楊太僕携酒過西莊訪劉使君

南國清秋見早鴻西莊載酒近幽叢天書遠借
青驪客地主初驚白兔公入戶水光搖几席繞
門山色掛房櫳取醉不辭歸後夜移尊幾向月
明中

公安得唐應德村居詩酬贈四首

應是歸休日安貧得所如鹿裘新著便貝帶舊

游疎返舍因爭席還山羨卜廬閉關無遠意不
著絕交書

偃息荆溪上明時卦一瓢帶經收雨麥抱甕汲
春苗石室寧期道茅齋已混樵時聞田社客伏
臘每相邀

恰得高深理遺榮殊自甘酒狂身欲廢詩癖性
猶耽林果從猿乞窓談與鶴諧還言梳沐嬾更
住小山南

相期丘壑意悵憶海雲深更落淮南葉愁聞吳

白兔公彭祖弟子
韓翃送人歸山詩
舊詩山人白兔公

絕交書嵇康與山

濤者

卦掛同

尚武制切餘也

會吟祖生先著策貢禹未投簪言貫盈尊酒歸
來共竹林與唐相期同隱唐竟先得告故云

丁酉稿

春日渡漢陽

春風淡微雨了了見前川背水千家閉連山百
雉懸鶯啼江上樹人散渡頭煙此日乘流者羈
思殊未捐

楚門春興

帝在青陽念八區傳聞東豫及春初鶯花二月
迎緹騎龍檢千年望翠旗衡陽刺史新除道濟
北藩王已上書畱滯周南知不恨將因一得奉
宸車

齋亭新理牖壁暇日晝眠條然見林山因
而成咏

摺首支摺摺

省齋日休暇煩抱罷營牽鑿牖通嶺氣分池注
谷泉青林遙侍衛好鳥並詒言本闕經時務賴
茲靜者便朝三受公令滿百遭吏愆白石摺床
下黃庭授枕邊因言無事貴長對北山眠

移庭中小結柏

貞幹不摩雲樛枝已傷人移來仍觸手更得小
童噴

樛音瞞木名

伏日楠溪上疏乞休二首

羈危徇遠徼勞役昧長年朝捫崆峒谷夕遵繚
繞阡鬱蒸三伏候黯黹五谿煙昔誠垂堂下今

黯乙減切深黑黹

音禪黑也

圻音畿瘡音屠

音贍執瘡也

來瘴壑前石圻瘖去馬水霧疢飛鳶風土行邊
異雲山觸望偏稚容沈患變旅病積憂煎風日
河將損金沙命詎延諒無行道惻儻冀明王憐

音脫句音勾

願稅武陵駕還藝句章田

夙昔秉玄志凌翰升紫臺雄譚迴馬辯巨藻傾
龍才輝光四座滿軒蓋五方來不求文仲舉寧
論公孫猜一朝分楚服三載滯江陔辛涼峴山
淚悽斷郢門哀感往情彌吝懷來節易摧屈平
形稍頽潘岳鬢全催瓠質寧須用蓬心信不開
題書移魏闕畢志在蒿萊

屈原九章有哀郢

過武溪楊隱君草堂

清溪幽隱處白首性情閒鶴起開松徑風歸閉

竹關道書堆几上
畊耒掛牀間
坐悟忘言理人
今不解還

送李時行太守入覲

李舊御史

客裡逢君倍可憐
况聞雙節遠朝天
路分黃鶴情應遠
身向蒼龍譽已傳
去日柏烏應識主
來時竹馬解畱賢
逢人莫說長沙候
卑濕如今似漢年

至日岳州宴水部張使君廳

渺漫五湖津
羈危一病身
來逢閉關日
還及省

方辰解帶酬佳節
當杯問故人
含懽適不暢
它日儻何因

悠然遠氛靜
虛館闕玄雲
島近蠻歌起
山空戍鼓聞
蘭膏凝不豔
霜漏遲難分
無寐應茲夕
緘情一問君

臘日感述

端居逢暮節
憶侍建章年
雪靜喧清蹕
星迴接御筵
脯將柏葉賜
粥以八莫傳
寵數周行洽
恩華侍從偏
丹楓依玉陛
黃竹奉瑤篇
忝迹臣多

蒼龍謂闕文選蒼龍玄武之制

戍从人从戈人執戈為戍與十二支之戍不同
疑去聲詩膚如疑脂唐詩落絮無風疑不飛今多作平聲夫之詳楊升庵詩話

月之八日莫生八葉臘月此日賜粥謂之臘八粥柏八以聲音屬對老杜

次第尋書札呼兒
檢贈篇陳羽九山
沈白口二女泣滄
洲

繆分憂主獨憐金閨違澤露銅柱間山川問俗
風難變迷方日復捐鄉心牽井邑歲事憶山廬
聊持百日蜡行樂五溪邊

辰州送王兵憲入貴

時王膺征南簡命

奉命宣威寵節旌翩翩繡服照山城傳章遙識
蠻酋拜負弩新看縣令迎臘月梅花催別騎春
原柳色待行營此日西南須鎮靜知君無檄喻
耆曠

歲暮偶然作

十年微草澤萬里逐風塵有道窮為恥無媒達
豈申久官仲子產多病長卿身即事傷遲暮堪
聞歲欲新

咸寧山中雪霽晚行

雪霽乍見山殘陽稍辭嶺暝色起煙氛寒光散
墟井田空獵犬還林凍棲鳥警遙聞野寺鐘歷
歷充俄頃

和顧中丞靖州閱武十二韻

獨坐軫殊方時巡及夜郎豺狼清道路羆虎肅

堪不堪也

李長庚詩暝色入
高樓木蘭詞寒光
照鐵衣

綠沈漆色名即西
瓜皮色也南史梁
武帝西園食綠沈
瓜杜詩苔臥綠沈
槍謂以綠沈色為
漆飾槍柄

曹子建詩丈夫志
四海萬里猶比隣
恩愛苟不虧在遠
分日親

邊疆俗以更琴美人因挾纊強更資神武略言
設鬼方防複嶂連旌暗晴原疊鼓揚列營圖日
暈積練雜雲光合變恒摧敵分奇屢鬪場星流
白羽箭風勁綠沈槍勇賈三河少材徵六郡良
猷推元老壯律授貳師長蠻長羣相謂戎兵百
不當天威今在漢無復反南荒

送李子

山城細雨綠蕪滋黃鳥關關送別時海內為隣
千里近湖邊傾蓋十年遲蟬聲驛路催官騎草

色河橋映酒旗遙想經行多逸興逢人莫不寄
新詩

過徐李二子再遊東林寺

入山禮名禪山深變炎夏清飈激層櫚流水注
戶下孤磬遠煙微長廊飯僧罷暫結塵外蹤稍
懷遠公駕虎去識餘溪蓮開見遺社四禪邈難
依百齡竟安假冥心合委和曠覽齊物化疎達
任吾生塵玄兩相謝

櫚簷同

至宜興訪應德不遇同唐二秀才飲任光

祿宅 秀才應德弟光
祿應德母舅

嵇康與李安善安
請康康不在嵇喜
延之不入題門上
鳳字而去喜以為
欣不覺為凡鳥也
王摩詰訪呂逸人
不遇詩到門不敢
題凡鳥

故人消息若為聞
早說驅車向白雲
倘識外親來相宅
因逢賢季不題門
半溪畫色畱征棹
遶郭山光映酒尊
賴是主人能愛客
不妨遙夜隔思存

閩集

入關

海國深秋別山關
入望窮人家青壁
裡鳥道綠蘿中
地暖收蒟葉天寒
折桂叢嵐蒸晴亦
雨瀑

蒟音舉

自參天詩大隱住
朝市小隱入丘樊
不如作中隱隱作
留司官

落靜還風靈藥翻
經識譌言待譯通
問畊畱野老賦食
與山童直是忘機
甚非將大隱同

與田道偶然作

長路入雲危深巒
隱日規授衣驚變
節執板愧沈時瓠
落寧將用蓬飄了
自宜明朝發山郭
一與吏民期

下建溪

嚴程殊不厭幽意
得相尋行倚林間
壁時聽溪上琴水
山皆有適動靜亦
何心且復乘橈去
前

規圓日之形也謝
靈運詩遠峰隱半
規

川信幾深

石灘

石劣不受鑿水歸時礙行翻令無競性卻作不平鳴逆折聲猶壯崩騰色自明我行殊昧險於此獨嬰情

滄峽舟中遇江于順提學考績北上席上

贈別因成長句

故人相逢清溪口斷岸維舟一尊酒醉愁折柳背河關笑看垂楊生左肘青山沈沈秋日光颯

唐人送別必折柳枝贈之

然海氣飄微涼忽憶曾為東觀史此時君作尚書郎昨自蛇年走賢士別來意氣期如此三載不見鬚眉存還是豫章一男子落水一去時不還我今蹭蹬來山藩寸心指著向知己片時會對成分翻近日微賢遍都邑東巡西祀羣言集宰相閣東禮通儒將軍門下容長揖世塗叅錯詎可料英豪况復非常調喘息余憐輒下駒文蔚爾為將變豹握蘭在身身自知投壁向人人不譽別去相思一調笑知爾甘泉不上書

漢官儀尚書郎懷香握蘭

夜泊羊原

瘴溪南盡見蒼林，獨宿蕭然生遠心。
臥聽潮生驚海近，起看嵐黑恨山深。

萬曲寒流滙碧灣，千家煙雨閉柴關。
來愁烏帽生人悶，到喜青山對客閒。

送張秀才省兄還句章

臥病寡營慮閉關，生道心還聞異國。
去忽動故鄉吟，海樹延寒色，山城結暝陰。
懸知康樂思春草，別來深。

謝康樂嘗思詩不就，忽夢見弟惠連，即得池塘生春草，句人以為工。

還次羊原先寄張大叅政

旅役勞勞不自知，暮歸欣及早冬時。
超越偶乘去舟便，窅然遂與前山期。
前山繚繞迷煙樹，還到澄潭泊舟處。
沙燈夜語捕魚人，竹嶼晴喧浣衣女。
異鄉物候自堪憐，况近同心意轉牽。
題詩為寄張平子，相思莫擬四愁篇。

病中張大見過二首

僻候經寒淺，羈懷屬歲多。
馬卿長抱病，羊仲屢于過。
坐久吾忘我，情真爾不它。
冲然子桑戶，相

有音杏深目

視復如何

拙疾寧為理幽閒幸避喧解巾看吏傲罷牘聽

禽言霧委花餘泫風歸葉暗翻園林遲日意一

與故交敦

晚望有懷

高閣罷餘霧曠然見遙岑依微夕明滅窈窕寒

雲深隱几獨成趣據梧時自吟惟當草玄者寂

寞知予心

官閣初成張叅政携饌見過

高明之家鬼瞰其堂

虛館抗山足洞門藹已深高明空鬼瞰衍息見

天臨愛客携松醪移時坐竹陰應憐獨醒意為

向醉中尋

除夕

星迴節序暗中遷靜夜笙歌達百廬玉漏待分

兩歲隔金缸故著九枝燃庭覆梅花銷臘盡樽

開柏葉及春前不辭醪酎畱殘夜倘入新愁憶

去年

除夕次張叅政韻二首

急景欲相催，閒居感化裁。
夜看寒色去，春遲曉
光來。澤國鮮雲滿，山房臘酒開。
平生幾歡宴，曾
是獨遲回。

嘿默同陸機詩京
洛多風塵素衣化
為緇

掩閣歲云暮，張燈嘿自看。
風塵移素服，月日損
朱顏。窮覺詩書累，病憐衣帶寬。
無能將弱羽，暫
息一枝安。

守歲席上酬張叅政用韻答意

豈有區中感，能爲物外悲。
露葵邀故客，雲樹發
新思。以我觀天定，知君非數奇。
無然嘆遲暮，有

數所由切奇居宜
切見本十廣傳

酒一須持

明堂詔使入閩題贈十韻

盛典在尊宗，言觀百代通。
開堂用楓陛，肆几卽
蒿宮。陟配元神叶，嚴陪二祖同。
制恢原廟陋，禮
視禘郊崇。燕澤霑纓辟，龍章賜髮戎。
閩關殊隔壤，漢使若乘空。
玉節瞻天近，琅函照日紅。
王言通海上，郎位映中郡。
老趨移檄，邦君拜負弓。
獨憐畱滯客，歌詠亦從風。

漢惠帝詔立原廟
於渭北蓋於七廟
外更立一廟從叔
孫通之議也髮音
渣以麻約髮也

同張叅政早春山行次韻

嶺色日吹綠東風忽來茲遙尋新艸路行與故人期叢薄雨餘變孤岑煙外奇悅芳忘近遠指景去參差

還浙夜泊江口

越嶂空春望江舫入夜乘潮移諸島出雲卷數峰層近郭翻多戀還家獨未能北堂今夕夢先已度西興

過吳維新隱居

委巷疎塵宇空齋問隱淪應門兩童子拄杖

閒身下馬見深意焚魚知久貧相看祇有笑握手吏何陳

同唐應德過董任甫

沈抱嘆離居相逢卽詣廬感君多宿昔願我日頑疎貰酒舒長簞炊羹折短蔬忘憂豈必醉舍此未應如

病後還朝毘陵唐編修兄弟携舟相送醉

中話舊因懷任二考功次韻作

時唐方應命

起廢

蒸風豈日無衣
字同袍

舟迎浦樹綠參參
笑傲逢君僻
生耽陸氏弟兄
元莫逆龐公主
客自來諳病中
拓手愁能柰廢
後還朝思豈堪
惟有同袍應問
訊定言幾日發
山南

邯鄲才人嫁為廝養卒婦

古今咏才人多矣
皆敘其繾綣舊宮之
情歎遠羞貧其詞
旨惋抑而不揚失之
矣余為原之而反于王

辭策出雕閣東素罷輕紈已謝
中如還驚陌

李長庚詩本崇
意女揚娥入丹闕
自倚顏如花寧知
有彫歇一辭玉階
下去若朝雲沒每
憶邯鄲城深宮夢
秋月君王不可見
惆悵至明發

上看

洞門無重期
白戶生秋草
謂歡貧足持
莫向邯鄲道

泗鼎行贈戴水部

史稱周鼎沒于泗
秦始皇過彭城
使人求之不得
而漢新垣生復
言望泗水上
有金氣豈其然
乎會傳上將南
幸興起符瑞戴
君適為水部吏
者因感其事
戲贈茲篇

出書序曰班宗彝
鄭玄云彝法也

並讀作恂

音本俗作畚杜
預曰盛土器

君不見周德中衰天命變彝器飄零散區縣郊
廓之鼎淮泗流一沒千祀無人收秦皇得國心
泰侈虎視雄圖志未已已訪仙源並海沂還望
瑤光浮泗水畚鍤喧傳從百官羽騎連延照千
里五夜齋供親祭祠萬力咆勃鼎不起始知鑄
作通神明入川尚自辟妖精彼昏勞勞安可得
精靈變化固難測沒處空餘碧水流蒸時無復
蒲雲色古來神物俟明君 今上迎祥日待聞
京洛芝莖日爛漫彭城鼎氣想氤氳法駕新傳

下淮石待幸山川望來久才官戲 何代無水

伯呈祥理應有治河使者試上書為言伏鼎今
何如

道中恭遇 皇太后梓宮耐葬顯陵挽詞

三首

笳鼓喧傳五輅迴川塗警蹕八神開已聞萬乘
臨軒送更道千官執紼來

慈靈化國慶何長魂魄猶言思艾鄉生恨蒼梧
不相從沒遺冠舄到瀟湘

紼輓喪車之索送
葬者相與執之

漢高謂沛父老曰

吾千秋萬歲後魂

魄猶思沛蒼梧山

名舜崩處

東口同詩集

仙馭冷風萬里還素旌遙拂郢明煙宮官舊自
收容翟祠署新來奉几筵

都下秋雨夜飲王子長宅

闊別時何屢蹉跎鬢已侵還朝明主賜卜夜故
人心涼雨杯初覆空堂漏欲沈安知非夢寐相
對帝城陰

同屠六宮諭胡用甫侍講李伯華文選呂
大車駕熊叔仁武選飲任二司直宅醉
後話舊席上輒成口號

頃聞事以海邊北

去年作客五溪東今歲來過九
中夙昔英豪
逐流水等閒世事隨飄蓬一
衣折腰見御史歸
去低眉笑妻子安用黃金橫帶爲卻道世情今
如此分把銅章老海堧何言拜表更朝天愁中
謁帝還疑夢病裏逢人轉自憐愛爾橫經白虎
殿出入輝光誰不羨白鷗舊著上賜衣紫駝新
僕太官膳城上秋雲日將晏城下張燈更開讌
但傾斗酒勿復言我今慣是守瓜賤
出都酬謝任熊二兄兼柬李伯華文選

萬里腰章計已疎十年還闕意台
憐倚玉
逢知己賦拜投金愧起予秋野雲天低別路寒
塘露草藉迴車歸來願乞稽康傲欲謝山公已
著書



文海書店 存貨第 7101 號
書名 陳后周詩集
冊數 1
定價 15元

